



Universiteti Barleti
Nr. prot. 882/1 Tiranë 23.09.2021

Shoqata Tirana Ekspres
Nr. prot. _____ Tiranë 23.09.2021

Marrëveshje Bashkëpunimi

Ndërmjet:

Universitetit Barleti

dhe

Shoqata Tirana Ekspres

duke mbajtur parasysh se:

- *Institucionet e Arsimit të Lartë janë qendra kryesore të kërkimit shkencor kombëtar dhe është detyrë e tyre të përpunojnë e të përçojnë në mënyrë krijuese njohuritë shkencore;*
- *është në interes të IAL-ve të vendosin një raport të qëndrueshëm bashkëpunimi e shkëmbimi akademik, shkencor e kulturor;*
- *palët synojnë shkëmbimin e dijeve dhe rinovimin e njohurive të përbashkëta përmes leksioneve të hapura, seminareve, trajnimit në laborator dhe praktikave;*
- *palët synojnë ngritjen dhe zhvillimin e një sistemi të përbashkët kooperimi që do të promovojë specialistë të mirëfilltë mjekësorë.*

Palët bien dakord të bashkëpunojnë, për krijimin e një bashkëpunimi afatgjatë në kuadër të programeve të Departamentit të Arkitekturës dhe Dizajnit dhe Departamentit të Industrive Kreative si pjesë të Faktultetit të Shkencave të Aplikuara dhe Industrive Kreative.

Neni 1 Qëllimi dhe Objekti



1. Kjo marrëveshje ka si qëllim rregullimin e bashkëpunimit mes institucioneve firmëtare, duke përcaktuar detyrimet e përgjithshme të palëve, drejt realizimit në një moment të dytë të marrëveshjeve specifike lidhur me fushat e bashkëpunimit e shkëmbimit të listuara në pikën 2 të këtij neni. Në marrëveshjet specifike do të detajohet lloji i aktiviteteve të përbashkët, si dhe çdo detyrim financiar midis palëve.

2. Objekti i kësaj marrëveshje është bashkëpunimi dhe mbështetja reciproke midis palëve në fushat si vijon:

- a. Shkëmbim të stafit akademik dhe/ose specialistëve;
- b. Praktika mësimore në kuadër të procesit akademik dhe specializime;
- c. Ofrimin e mundësive të punësimit për studentët më të mirë;
- d. Aplikimin e përbashkët në projekte dhe programe të ndryshme bashkëpunimi;
- e. Organizimi i seminareve, konferencave, publikimeve dhe aktivitete të ndryshme shkencore;
- f. Përdorimin e ambienteve respektivisht për praktika, laboratore, seminare, konferenca etj;
- g. Promovimi i palëve në kuadër të aktiviteteve të secilit partner.

Neni 2

Kohëzgjatja e marrëveshjes

1. Kjo marrëveshje hyn në fuqi në momentin e firmosjes nga përfaqësuesit e të dyja palëve dhe mbetet në fuqi për 4 vjet nga data e firmosjes.

2. Me përfundimin e afatit, nëse asnjëra nga palët nuk shpreh vullnetin për t'i dhënë fund, kjo marrëveshje rinovohet për një afat tjetër 4-vjeçar.

Neni 3

Informacion mbi palët

1. *Universiteti BARLETI* (në vijim Barleti) është një universitet privat, i cili ndër vite ka promovuar një nivel të lartë edukimi, duke synuar të zhvillojë prirjet e çdo studenti, me objektivin e krijimit të ekspertëve më të mirë, të aftë për të konkuruar në tregun ndërkombëtar. Misioni i Universitetit është krijimi i një institucioni akademik elitare, bazuar në praktikatat e vlerat më të mira ndërkombëtare, më programe shumëdisiplinore të vënë në jetë nga akademikët më të mirë shqiptarë.



2. *Shoqata Tirana Ekspres* u themelua në vitin 2011 dhe është një organizatë jofitimprurëse e inicuar nga artistë, aktivistë, ambientalistë, politikëbërës, ndërmarrës të bizneseve shoqërore dhe studiues, qëllimi i të cilëve është të rrisë perceptimin dhe shprehjen kulturore dhe artistike në Tiranë dhe madje edhe më gjerë. Qëllimi ynë është të punojmë në partneritet të fortë me komunitetin ndërsa ne ndjekim punën e mirë për të shfrytëzuar potencialin e artit duke krijuar dhe organizuar ngjarje frymëzuese, rrjet aktivistësh dhe projekte afatgjata. Skena e kulturës alternative që prezantojmë, ofron lirinë e shprehjes për komunitetin që tejkalon barrierat diskriminuese si gjinore, orientuese fetare, politike ose nivele ekonomike/sociale që çojnë në një shoqëri sinergjike më të fuqizuar. Ne gjithashtu synojmë të kontribuojmë në një zhvillim të qëndrueshëm të mjedisit përmes promovimit të veprimeve të pastrimit dhe eko-turizmit. TE pajiset me mjete arsimore jo formale dhe joformale për të arritur qëllimet e saj dhe për të organizuar aktivitetet e saj në lidhje me kulturën, mjedisin, ekoturizmin dhe biznesin social.

Neni 4

Të drejtat dhe detyrimet e partnerëve

1. *Universiteti Barleti*:
- Barleti angazhohet në ofrimin e ambjekteve për trajnime, workshope, forume, konferenca kombëtare, konsultime, fushata informimi, promovimi e ndërjegjësimi etj;
 - Barleti angazhohet, në bashkëpunim me partnerin, për të ndërmarrë të gjitha nismat dhe hapat e nevojshëm organizativë për programimin e çdo aktiviteti e nisme të rënë dakord midis palëve në zbatim të objektit të kësaj marrëveshje.
 - Barleti angazhohet të mbështesë dhe t'i ofrojë kontribut Shoqates Tirana Ekspres, me kërkesën e tij, duke vënë në dispozicion specialistët e tij më të mirë;
 - Barleti shpreh vullnetin për të bashkëpunuar e sjellë rezultate pozitive në drejtim të partneritetit dhe realizimit të objektivave të Universitetit për përmbushjen e misionit dhe vizionit në përputhje me legjislacionin shqiptar dhe standartet më të mira në nivel evropian;
 - Personi i kontaktit do të jetë: PhD. Saimir Kristo. Zv. Dekan i Fakultetit të Shkencave të Aplikuara dhe Industrive Kreative.
2. *Shoqata Tirana Ekspres*



- a. Shoqata Tirana Ekspres angazohet në ofrimin e ambjenteve të nevojshme për realizimin e laboratorëve, praktikave dhe specializimin e studentëve të Barletit;
 - b. Shoqata Tirana Ekspres angazohet në ofrimin e mundësive të punësimit për studentët më të mirë në përputhje me strategjitë e brendshme të zhvillimit të subjektit;
 - c. Shoqata Tirana Ekspres angazohet në bashëpunimin dhe pjesëmarrjen në trajnime, workshope, forume, konferenca kombëtare, konsultime, fushata informimi, promovimi e ndërgjegjësimi etj;
 - d. Shoqata Tirana Ekspres angazohet, në bashkëpunim me partnerin, për të ndërmarrë të gjitha nismat dhe hapat e nevojshëm organizativë për programimin e çdo aktiviteti e nisme të rënë dakord midis palëve në zbatim të objektit të kësaj marrëveshje;
 - e. Shoqata Tirana Ekspres angazohet të mbështesë dhe t'i ofrojë kontribut Barleti, me kërkesën e tij, duke vënë në dispozicion stafin e nevojshëm;
 - f. Personi i kontaktit do të jetë: Z/Znj Rea Leka
3. *Palët bashkarisht bien dakort si vijon:*
- a. të organizojnë takime periodike, të paktën 1 (një) herë në vit;
 - b. të bashkëpunojnë në çdo fushë tjetër të pa listuar më sipër, brenda objektit të tyre dhe për të cilët palët kanë kapacitetet e përshtatshme profesionale.

Neni 5

Dispozita të fundit

1. Kjo marrëveshje mund të ndryshohet në bazë të konsensusit ndërmjet palëve firmëtare, të saprehur në një dokument të shkruar.
2. Mosrespektimi i detyrimeve që rrjedhin nga kjo marrëveshje bashkëpunimi, nga njëri prej partnerëve, çon detyrimisht në prishjen e saj. Vullneti për mbarimin e marrëveshjes para afatit, komunikohet me shkrim nga partneri, duke argumentuar arsyet e këtij veprimi.
3. Kjo marrëveshje përmban 4 (katër) faqe dhe hartohet në gjuhën shqipen në 4 (katër) kopje origjinale me të njejtën vlerë ndër të cilat 2 (dy) i mban Barleti dhe 2 (dy) Shoqata Tirana Ekspres. Duke marrë parasysh përcaktimet e mësipërme palët ranë dakord:

Universiteti "Barleti"
Rektori

Shoqata Tirana Ekspres
Drejtor Ekzekutiv



UNIVERSITETI
BARLETI


Prof. Dr. Suzana Guxholli




Znj. Rea Leka

